

Des Churfürsten zu
Sachsen etc. Vnd Burg-
grauen zu Magdeburg/

Lands Ordnung:
Von vbermessiger Kleidung/
geschmuck/vnd beköstigung der Hoch-
zeiten/ Kindtauffen / vnd ande-
rer Gastereien halben.



See Christliche
Geschichte. 2te Bände
Gottfried Wilhelm Leibniz
Eindeckelung
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz
Gottfried Wilhelm Leibniz



XVI. Qu. 11873

Von Gottes Gnaden

Johans Friderich Herzog zu

Sachsen / des heiligen Römischen Reichs

Erzmarſchall vnd Churfürst / Land-

graue in Thüringen / Marggraue zu

Meißen / vnd Burggraue

zu Magdeburg.

Nach dem menniglich wissend / vnd vn-
uerborgen ist / das nicht allein inn vnsern
Chür / vnd Fürstenthumben / Sondern
auch fast in allen andern Landen / der vñ
bermessige / vnd vnnöthigste pracht /
vnd vnkosten / mit dem schmuck / vñ klei-
dern / bey den vnterthanen vberhand genomen / Welche
hoffart / vnd vberiger pracht / wider Gott / auch vnsern
vnterthanen / an irer nahrung schedlich / Vnd vnseres Lands
des vermügen / nicht wenig abbrüchlich / vnd nachtheilig
ist. Wiewol nun Churfürsten / Fürsten / vnd Stende des
heiligen Reichs / auff negst gehaltenem Reichstage zu
Worms / des halben ein Reformation / fur notwendig an-
gesehen / vnd bedacht / Auch Keiserliche Maieſtet / vn-
sern aller gnedigsten herrn / derwegen vntertheniglich an-
gelangt / So ist doch dieselbe bis anher / zu keiner wirkli-
chen volziehung komen / Darumb wir / als der Landes-
fürst / solche wider Gott eingewachssene Mißbreuche ab-
zuschaffen / vnd den vnsern (nach irer gelegenheit) zu ver-
selben soniel mehrern auffnehmen vnd gedeien / in dem für-
derliche mas / vnd ordnung zugeben / vns schuldig erkand.
Wie wir es nu darinnen wollen gehalten haben / Auch
welche Personen / in dieser vnser Ordnung sollen begrif-
fen

fen/vnd gemeint sein/das werden nachuolgende Artikel
vnterschiedlich besagen/vnd ausweisen.

Vnd ist darauff vnser gnebigs / vnd ernstlichs begehren/das sich ein jeder/hierinnen begriffen/mit den seinen/
in Monats frist/nach dato dis vnser Mandats/desselben vnweigerlich/gentlich/vnd gehorsamlich halte.

Abteilung der Stende in dieser Ord
nung begriffen / ausserhalb der Grauen / Herren/ des Adels/ Doctorn / vnd vnserer Rethen/ welche hiermit nicht gemeint sein / vnd irenhalben mit der zeit auch Ordnung gemacht werden solle.

In ersten Stand.

Sollen gehören / Amptsvorweser die nicht Rethen/oder vom Adel sein / Schösser / Schultheiß / Gleitzleute/ Zehendner / Bürgermeister / Richter / Schöppen / Ratspersonen/ Münz vnd Bergkmeister / Bürger so sich von iren Lehen gütern / oder mit redlicher Kauffmanschafft nehren / Stadtschreiber / Schulmeister / Bergknappen / vñ Münzer gesellen/ so in vnsern Landen nicht heusslich gesessen/ Buchdrucker / sampt iren Weibern vnd vnuorheiraten Kindern.

Die Pfarrer / Prediger / vnd Diaconj / werden sich mit der Kleidung / vnd sonst irem Stande nach / auff das sie niemands zu nachrede / vnd ergernus vrsach geben / zuhalten wissen / Aber irer Weiber / vnd Kinder halben / sol es gehalten werden / wie jzt von dem ersten Stand meldung beschicht.

In dem

In dem andern Stand:

Sollen begriffen sein/ gemeine Bürger/ Handwercke
leute/ Kramer/ Einwohner/ Baccalaurien außershalb
der Vniuersitet/ Buchdruckers Gefellen/ Steinmetzen/
Vorstedter/ Hausgenossen inn Stedten/ Kirchner inn
Stedten/ Handwerckesgefallen/ Dienstboten/ Megde/
vnd Knechte/ sampt ihren Weibern/ vnd vnuorheiraten
Kindern.

In den dritten Stand.

Paruern/ Tagelöner/ sampt ihren Weibern/ Kindern/
Knechten/ vnd Megden.

Was einem jeden Stand/ auff
höchst zu tragen/ erlaubt sein solle.

Röcke.

Der erst Stand/ mag auffhöchst einen schamlot/ vnd
einen purpuranischen Rock haben/ Aber was darunder/
ist jnen zu tragen vnbenomen/ als Vorstad/ Setin/ Hara
ras/ Vnd was geringer ist.

Der ander Stand/ mag auffhöchst einen Lündische
en/ vnd einen Mechlischen Rock haben. Aber ander ge
mein Landtuch/ ist jnen zu tragen vnuerboten/ Doch mö
gen jre Weiber vnd Töchter auch einen Harras/ oder Se
tinen Rock/ vnd mehr nicht/ haben.

Der dritte Stand/ sol kein ander Tuch oder gewand
zu Röcken/ Hosen/ Wammes/ oder andern Kleidungen
tragen/ denn das in vnsern/ vnd vnseres freundlichen lie
ben Vettern vnd Bruders/ Herrn Moritzen/ Herrn Jo
hans Ernsten/ vnd Herrn Augusten/ Herzogen zu Sach
ssen/ etc. Landen gemacht wird. Darzu mögen sie auch

von grober leinwand kittel tragen. Vnd sollen die Röck
vnd kittel dieses Baur Stands/ nicht mehr denn drey o-
der vier falten/haben.

Es sollen auch die Baur vnd ire Dienstboten / gar
keine liderne hosen/ oder bein kleider tragen / sondern sich
an einem lidern gefesse/ vnd daran Landtuch/ oder leine-
ne bein kleidern genügen lassen.

Rauchfutter.

Des ersten Stands/ mügen die Mans personen Mar-
derkelen futter/ vnd nichts bessers oder höhers gültig tra-
gen. Aber ire Weiber sollen keine schauben mit Marder-
kelen gefütteret haben/ sondern auffs höchst/ Vechene/ oder
Zmaschene gefütterte schauben/ Vnd was am futter dar-
under ist/ Auch Marderckeln vnter den Jacken vnd Gols-
der/ das mögen sie wol tragen.

Wir wollen auch nachlassen / das zu Wittemberg/
Zwickaw/ vnd andern vnsern fürnemsten Stedten/ do es
vor dieser vnser Ordnung bißhero/ herbracht worden ist/
die Bürgermeister für ihre personen/ Marderne futter/
auch Marderne pareth tragen mügen.

Der ander Stand / mag tragen gemeine Zmaschen/
Scheffen/ zigen/ fuchffen/ Wolffswammen/ oder Lem-
mern/ Vnd nichts das besser ist.

Der dritte Stand / mag tragen / gemein weis pelz-
werck/ vnd nichts höhers.

Ketten.

Der erste Stand mag tragen eine silberne Ketten/ doch
vnergüldet/ vnd vber dreissig gulden nicht würdig.

Der

Der ander Stand mag eine silberne Ketten tragen/
doch vnuergüldet/ vnd vber funffzehen gulden nicht wür-
dig.

Der dritte Stand/ sol sich Ketten zu tragen/ gantzlich
enthalten.

Finger Ringe.

Der erste Stand/ mag einen Ring tragen/ Doch sol er
vber acht gulden nicht kosten/ auch kein Edel gestein ha-
ben.

Der ander Stand/ mag einen silbern vnuergülden
Ring/ doch vber zween gulden nicht würdig/ tragen.

Der dritte Stand/ sol gar kein Ring tragen/ Aber zu
Mahl/ schatz/ mag ein person dieses stands/ ein Ringlein
vergeben/ eines halben gulden würdig.

Hauben.

Der erste Stand/ mag tragen ein seidene Hauben/ mit
fünff oder sechs guldenen schnürlein/ doch nicht höher/ denn
eines gulden würdig.

Der ander Stand/ mag tragen zum höchsten ein seide-
ne Hauben/ on gold/ Doch das sie vber ein ort nicht wür-
dig sey.

Der dritte Stand/ mag zum höchsten tragen/ eine
Hauben von garn oder zwirn gemacht.

Parethe.

Der erste Stand/ Mag tragen ein Wüllen Pareth/
mit Steinmardern/ oder Marberteln gefüttert/ Vnd
darunter ein gefüttert/ oder vngesüttert Cartecklein/ schlep-
lein/ auch eine Mützen vber einen gulden groschen nicht
würdig.

Der ander Stand/ Mag tragen ein wüllen Pareth/
mit Zmaschen oder Ilsen gefüttert/ auch eine Mützen/
vber

Über einen halben gülden groschen nicht würdig.

Der dritte Stand/ Sol keine ausländische Pareth oder Schleplein tragen / Aber ein gering wullen Schleplein/ über drey groschen nicht würdig/ auch ein scheffene Mützen/ Filtz oder Schaubhut / Vnd nichts höhers mögen sie wol tragen.

Es sol aber den Weibern vnnnd Töchtern / aller dreier stende/ Sammete oder Seidene Pareth/ zu tragen gantzlich verboten sein.

Leibrock/ Wammes vnnnd Goller

der Manspersonen / auch Jacken vnd Brust/
der Weiber vnd Jungfrauen/ auff
den Kleidern.

Der erst Stand/ Mag tragen ein Wammes/ Goller/ Jacken oder Brust/ von Schamlot/ Taffet/ Carteck/ oder Brückischem Ahtlas/ vnd einen Vnderrock/ nicht besser/ dann von Vorstad/ Harras/ Setin oder Purpuranischem tuch.

Der ander Stand/ Mag tragen ein Wammes/ Goller/ Jacken oder Brust/ von gemeinem vnd nicht dupeln Vorstad/ Setin/ Harras/ Parchent obder Lündischem tuch/ Vnd einen Vnderrock/ nicht besser denn von gemeinem tuch.

Der dritte Stand/ Sol sich an parchent/ preussischem leder/ Vnd an tuch/ das im lande gemacht wird/ genügen lassen.

Gebreme oder Schweiff.

Der erst Stand / Mag seine kleider mit einem wulstlein/ oder eines fingers breit Sammet oder Damasciken/ verbremen lassen.

Der ander Stand / Mag seine kleider mit Tuch / das in zu tragen erlaubt/ vnd desselben kleides farbe ist/ doch nicht

nicht höher denn eines fingers breit vordremmen lassen.

Der dritte Stand/ Sol gar kein gebreme haben.

Aber aller zweyer Stende Weiber vnnnd Töchter Gebrem/ sollen oben vmb die Röcke/ Kleider/ Jacken/ oder brusten/ vnd nicht vnden herum gemeint/ Sondern alle schweißfe vnd gebreme/ vnden vmb die Röck/ gantzlich verboten sein. Do aber eins Weibs odder Jungfrawen notturfft erfordert/ einen alten Rock zu erlangen/ das sol verstattet werden/ Doch das die selbe erlangerung/ von keinem seidenen/ höherm oder besserm gewand sey/ dann der Rock an jm selbs ist/ Vnd das die Schneider hinfurt allen obbenanten drey stenden/ keine gebreme odder schweiß/ an die neuen Röcke oder Schauben machen.

Gürtel.

Der erst Stand/ Mag tragen einen Gürtel mit vnuerzgültem silber beschlagen/ vber sieben gülden nicht würdig.

Der ander Stand/ Mag tragen einen Gürtel/ auch mit vnuerzgültem silber beschlagen/ Doch das sie nicht vber fünff gülden würdig sey.

Der dritte Stand/ Sol keine güldene/ silberne/ samete odder andere seidene Gürtel tragen/ Aber liderne Gürtel mit Messing spangen beschlagen/ mögen sie wol tragen.

Gold vnd güldene Borten.

Des ersten Stands Weiber vnd Töchter/ mögen vmb den hals tragen/ ein gülden Börtlein ohn flittern/ eins fingers breit.

Des andern Stands Weiber vnd Töchter/ Sollen gar keine Güldene/ noch Silberne/ sondern mügen ein seiden Borten/ vmb den hals tragen/ Doch das der vber zween finger nicht breit sey.

Des dritten Stands Weiber vnnnd Töchter/ Sollen
B weder

weder Guldene/Silberne/ noch seidene Borten tragen/
Aber einen wullen oder zwirnen Borten/ mögen sie wol
tragen vmb den hals.

Haubt Bendel der Weiber/ vnd Jungfrawen.

Des ersten Stands/ Weiber vnd Jungfrawen/ mögen
tragen ein guldten Börtlein/ ohne flittern/ eins fingers
breit.

Des andern Stands/ ein sammet Börtlein/ doch nicht
vber zwen finger breit.

Des dritten Stands/ Sollen Harine/ seidene/harras/
vnd dergleichen Börtlein tragen.

Kürschen.

Der erst Stand/ Mag ein Kürschen tragen/ vber zehen
guldten nicht würdig.

Der ander Stand/ mag ein geringe Kürschen/ vber
acht guldten nicht würdig/ tragen.

Der dritte Stand/ sol gar keine Kürschen tragen/ son-
dern sich an belz vnd menteln/ von Landuch begnügen
lassen.

Hals goller der Weiber vnd Jungfrawen.

Der erst Stand/ Ein Damasczten Goller/ auffss hö-
chst/ vnd was darunter ist.

Der ander Stand/ Ein Goller auffss höchst/ von Bräu-
erischem Ahblas/ vnd was darunter ist.

Der dritte Stand/ Wullen Goller/ von Lündischem
tuch/harras/oder setin.

Krenz.

Der erste Stand/ Mag einen Kranz von seiden/ oder
mit

mit seiden umbwunden/ doch one gold vnd silber tragen.

Der ander Stand/ sol kein ander Krentz/ dan von Rosen/ oder blumen one gold/ silber/ oder seiden tragen.

Der dritte Stand/ sol auch keine andere Krentz/ dann von Rosen oder blumen/ one gold/ silber/ oder seiden tragen.

Federn.

Es sol allen drey Stenden/ Federn mit gutem Golde geschmückt/ zutragen verboten sein.

Es mügen aber/ die ersten zwen Stende/ vngeschmückte Pickersfedern wol haben/ Aber dem dritten stand/ sol keine andere/ dann Hanen federn/ zutragen/ erlaube sein.

Schlaier.

Des ersten Stands Weiber vnd Töchter/ Mögen einen Schlaier tragen/ mit einem leistlein/ odder strichlein Gold/ eines halben fingers breit/ doch sol der strich/ oder leisten/ mit Golde/ im schlaier/ nicht durch aus/ sonder am ende des schlaiers/ wie der alte brauch gewest/ gemeint sein.

Des andern Stands Weiber vnd Töchter/ sollen gar kein gold oder silber in Schlaiern haben/ aber einen Schlaier mit einer seiden leisten/ eins fingers breit/ mögen sie wol tragen/ Doch am ende des Schlaiers/ vnd nicht nach der lenge/ durch den gantzen schlaier aus.

Des dritten Stands Weiber vnd Töchter/ sollen gemeine Schlaier/ one Gold vnd seiden tragen.

Gemeine Artickel.

Göldene/ Silberne Zöpff vnd Flittern. Auch geflitterte Rosenbender. Messer/ höher nicht/ dann mit vier lot silber beschlagen. Silberne Tölchen/ one was Reuter sein/ vnd dienst haben. Vergülte odder silberne/ Weiber oder

Jungfraw messer/ober scheiden. Kurze Mantel/ wie die vom Adel zutragen pflegen. Hosen mit seyden/ Zündel/ Carteck/gefürttert oder durchzogen.

Diese oberzalte stücke/ vnter dem gemeinen Artikel/ sollen allen drey stenden zu tragen gantzlich verboten sein.

Aber etwas wenigers/ odder geringer zutragen/denn bey jedem stand ausgedruckt/ das ist meniglichem erlaubt vnd nicht verboten.

Als wir auch ferner in Hochzeiten/
Kindtauffen / Lantzen / Zechen/
vnd Pancketiren/ grossen vberflus/ vnd schedliche
missbreuche spüren/ So wollen wir darinnen
nachfolgende Ordnung gegeben/ vnd
ernstlich gehalten haben.

Hochzeiten.

Wenn ein person des ersten Stands für sich selbst hochzeit helt/ einen Son oder Tochter ausgibet / der sol nicht mehr dann sechs Tisch zuladen/macht haben.

Der ander Stand/ vier Tische.

Der dritte Stand zween Tische/ vnd darüber nicht laden.

Vorlûbnus.

Zu allen verlûbnussen/ sollen nicht mehr denn ein Tisch Geste oder Freunde/ gebeten werden.

Essen auff den Hochzeiten.

Der erste Stand/ sol zur morgen malzeit / nicht mehr denn sechs/ vnd auff den abend fünff gericht geben.

Der

Der ander Stand/ sol auff den morgen nicht mehr den
fünff/ vnd des abends vier gericht geben.

Der dritte Stand/ sol auff den morgen nicht mehr den
vier/ vnd zu abend nicht vber drey essen geben. Darunter
aber zu geben/ ist niemands verbotten. Es sollen auch die
einheimischen geladenen Hochzeit geste/ vber drey malzeit
nicht gespeist werden. Was aber frembde geste sein/ den
mag man des dritten tags ein früstüß geben. Do aber ei-
nes/ oder mehr/ die Hochzeiten nicht auff den abend an-
gehen fest/ der/ oder dieselben/ sollen die einheimischen ni-
cht mehr denn zwö malzeiten speissen.

Tanzen.

Es sol sich auch niemands/ der nicht zur Hochzeit gebe-
ten ist/ mit geladenen/ odder ungebetenen Jungfrawen
oder frawen/ zu Tanzen anmassen. In gleichnus/ sollen
die gebetenen keine Jungfrawen oder Weiber/ die nicht
geladen/ zum tanzen auffziehen/ sondern allein die gelada-
nen Hochzeit geste miteinander tanzen.

Wenn man auch Gottes wort in der Kirchen predigt/
vnd den Catechismum leret/ so sol darunder kein tanz ver-
gonnet oder verstatet werden.

Diener auff den Hochzeiten/ die essen vnd trincken auff
tragen/ der sollen gehalten werden/ nach anzal der tische/
auff einem jeden Tische zwey vnd mehr nicht.

Alle Tenze nach der abent malzeit/ ausserhalb des
Rathauses/ vnd andern gewonlichen orten/ do man of-
fentliche züchtige Tenze zu halten pfleget/ sollen abge-
than vnd verboten sein/ es sey zu Hochzeiten/ Verlöbnuß-
sen/ oder in allen andern Pancketen.

Es soll auch (ausgenommen in Kriegsleufften/ desglei-
chen vnsern festungen vnd besatzungen) im Sommer vber
zeben/ vnd Winter zeit/ vber neun vhr/ keine drummel od-
der pauken/ auff der gassen geschlagen werden.

B ij So die

So die Jungfrauen von den Hochzeiten geführt/sollen
die fürer nicht auffgehalten werden noch sitzen bleiben/
Auch kein zechen noch tanzen in heusern/dahin die Jung-
frauen geführt/anrichten.

Das verdrehen/vnd abstossen/sol in allen Tentzen ver-
boten sein. Vnd welcher sich widder dis Verbot des ver-
drehens/oder abstossens/vnterstehen würde/der sol zum
ersten mal zwen/zum andern mal drey gülden/zur straffe
geben/Do er auch zum dritten mal/in solcher vberfarung
befunden/Ist er ein Student/auff ein Jar Relegirt/vnd
doer eines andern standes/Hoffgesinde/odder Handt-
wercks gefelle were/mit dem Thurn/oder auff zwey Jar/
Stadt/oder Dorff verweisung/gestraftt werden.

So sollen auch zwo personen/als zu Wittenberg/von
der Vniuersitet eine/ die ander/vom Rath/Vnd an den
andern orten/durch die Gerichts helder/verordent wer-
den/dem Tanzen zuzusehen/vnd auff die vbertretenden
auffmercken zu haben/damit sie zur gebürlichen straff
genommen.

Alle Hauswirt vnd Hausmütter/sollen ihre Töchter
vermanen/sich züchtiglichen vnd ehrlichen zu halten/als
le vngeberde vnnnd vbelstand im Tanzen zu vermeiden/
Vnd do darunter ein Jungfraw odder Weib vermarckt/
die sich am Tanze vnzüchtig hielt/der soll das Tanz-
haus (andern zur abschew) ein jarlang zu meiden/verbo-
ten werden.

Weil auch der gebrauch/das niemands gestattet
wird/auff den Rat vnnnd Tanzheusern zu Tanzen/Es
sey damit das der Bürgermeister odder Gerichtsherr/
jedes

jedes orts/ darumb ersucht / vnd gebeten würdet / So sol
der Bürgermeister oder gerichtsherr / ehe/ vnd zuvor/ den
er erlaubnis gibet / trewlich vnd ernstlich vermanen/ den
Spielman darzu zuhalten / das er zu keinem vnzüchtigen
Tanz/ vrsach gebe/ Wan aber solchs anders / von den
Spilleuten vormarckt/ oder befunden / sollen sie derhal-
ben gefenglich eingezogen/ gestrafft/ vnd hinfurt zu spie-
leuten nicht geliden werden.

Spielleut.

Welchen sechs oder fünff Tische gese zu bitten / obbe-
rurter gestalt nachgelassen / die sollen den Spilleuten/ ze-
hen groschen/ vnd die andern/ fünff groschen/ zu lohn ge-
ben.

Ausspeisen.

Man sol hinfurder niemands von Hochzeiten / dann
allein dem Schulmeister vnd Knaben / die in der Kirche
en gewest/ so der Breutigam vnd Braut vertrawet wor-
den. Vnd den selben geben/ zwey essen/ vnd zwey stübchen
Bier / So aber jemandes sonderliche Gesenge bestellen
würde/ der sol dem Schulmeister vber bemelt essen vnd
Bier/ fünff groschen geben / daraus sich der Schulmei-
ster mit seinen gehülffen wirdet zuuergleichen wissen. Vñ
soll der Schulmeister bestellen / solch essen zu holen / die-
weil man in der Kirchen singet/ zuvor/ vnd ehe man vor
die geladenen Geste / wirdet anfahren zu speisen / vnd an-
zurichten.

Aber allen andern personen / die sich zuorn angemast
auff Hochzeiten/ Essen/ vnd trincken zu holen/ Sol solchs
es abgeschafft sein/ vnd volgender mas/ gelt gegeben wer-
den. Dem

Dem Organisten / wo der inn der Kirchen zu schlagen
ersucht wirdet / zween groschen.

Dem Calcanten einen groschen.

Dem Custer / Wer sechs Tische hat / zween groschen /
Wer aber darunter hat / einen groschen.

Dem Hausman / vnd den Stadtknechten / inmassen
dem Custer / nach anzal der Tische / zween oder einen gro-
schen gegeben werden.

Gefatterschafft vnd Schencken auff den Hochzeiten.

Dieweil es an vielen orten / ein alter gebrauch ist / das
drey Gefattern gebeten / So sol es dabey bleiben / vñ dar-
über nicht gebeten / Auch von den wegersten personen / ni-
cht mehr dann ein halben gülden groschen / eingebunden
werden. Aber die andern gemeinen personen / mügen dar-
unter / vnd weniger einbinden.

Der gestalt / sol es auch mit den Schenkungen / auff
den Hochzeiten gehalten werden / Aber was nahe freun-
de sein / die mügen sich / als die freunde mit geschenck er-
zeigen.

So die Frawen von der Kindtauffe heimkommen / mag
man jnen einen trunck Bier / oder Wein schencken / nach
eines jeden vermögen / vnd gelegenheit. Aber die Gastes-
reien / nach der Kindtauffe / vnd in den sechs wochen / sol-
len gantzlich verboten sein.

Es mügen aber die Wehemütter / vnd Weiber / so bey
der Frawen in der geburt gewesen / gespeist werden / Doch
das es nicht mehr personen sein / dann die / welche bey der
Frawen

Frauen/in der Kindes not gewesen.

Kirmes.

Es sollen auch hinfurder/ alle Kirmes inn Stedten/
Mercken/ flecken/ vnd auff den Dörffern/ gantzlichen
abgethan werden. Auff das dardurch das vberige vor
schwenden/der Speis vnd Trancs/ vorkomen/ auch die
manigfaltigen hader vnnnd Todschlege (welch offmals
draus erfolgen) so viel desto eher nach bleiben.

Aber die jar/ vnd andere gewöhnliche Mercke/ sollen
damit inn den Stedten/ Mercken vnd flecken/nicht ge-
meint sein.

Von Zechen.

Es sol auch verboten sein/ das kein Wein odder Bier-
schenck/ Gest setze/wein oder bier aufftragen/do man zu
predig geleitet/bis die predig gantzlich vollendet.

Dergleichen sol man im Sommer vber zehen/ vnd im
Winter vber neun vhr/inn offen Schenckheusern/ Wina-
ckelzechen/ noch sonst keine Zechen halten/ Auch den
gesten lenger zusitzen nicht vorstatten/Sich auch in Sted-
ten on Laternen/vnd redlichen vrsachen/auff den gassen
nicht finden lassen.

Doch sol mit den frembden/ vnd den so reisen/hierinne
ein vnterscheid gehalten werden.

C. Straffe

Straffe.

Damit nu dem allen/ also wie oben vnderſchiedlichen/
vnd bey einem jeden Stand/ ſonderlich angezeigt iſt/ ge-
lebt/ vnd vber vier wochen/ nach Dato dieſer vnſer Ord-
nung/ dieſelbe zuhalten angefangen werde. So gebieten
Wir darauff/ allen vnd jzlichen vnſern Grauen/ Herrn/
Landvögte/ Haupt vnd Amptleuten/ den von der Ritter-
ſchafft/ Schöſſern/ Schultheiſſen/ Bürgermeiſtern/ Ri-
chtern/ Scheppen/ Rethen der Stedte/ vnd allen andern/
welche vber die perſonen/ inn dieſer vnſer Ordnung vor-
leibe/ gericht vnd pothmeſſigkeit habē/ Das jr/ ob ſolchen
vnſern geboten/ mit allem ernſt vnd vleis halten/ Auch
jr/ die es (von Schöſſern/ Schultheiſſen/ Bürgermeiſtern
Richtern/ Schöppen vnd Rethen der Stedte) nit be-
trifft/ dawider ſelbſt nicht thut/ noch handelt/ Sondern
ſo oft ein perſon/ inn bemelten drey Stenden/ nach vor-
fliffung berurter vier wochen vorbricht/ ſol ſie das Kleid
odder den ſchmuck/ damit die vbertretung beſchicht vor-
läſtig ſein.

Vnd darüber die perſonen im erſten Stand/ funffze-
hen/ Die im andern/ zehen/ Vnd die im dritten Stande/
funff gülden/ zur ſtraffe geben vnd verfallen ſein.

Gleicher geſtalt/ ſol es mit der geltſtraff/ gegen denen/
die inn den andern hierinnen vorleibten Articeln ver-
brechen/ gehalten werden.

Schneider vnd Kürſoner.

Vnd

Vnd damit ein jeder zu vbertretung/dis vnser gebot/
bester weniger vrsach habe / so sollen die Schneider vnd
Kürsner/keines Stands personen / einig Kleid machen/
anschneiden odder füttern / das ihnen zu tragen (inhalts
dieser vnser Ordnung) nicht gebürt. Welcher Kürsner/
oder Schneider/ das vbertreten wirdet/ Der sol das erste
mal/ vmb zehen / das ander mal/ vmb zwenzig gülden/
Vnd das dritte mal/ mit gefengnus gestraffet werden.

Von diesen Bussen / sollen drey teil / dem Gerichtsherrn/der da strafft/ vnd der vierde teil dem jenigen / der
die vortrecher anzeigen wirdet/ gegeben werden.

Werden aber die jenigen/welche gericht vnd pothmes-
sigkeit haben/in der straff vnd handhabung/ dieser vnser
Ordnung hinlessig sein/ vnd die straffe nicht einbringen/
auch einen vor dem andern vbertragen / So wollen wir
dieselben/vnsern Amptleuten jedes orts einzubringen/hie
mit beuohlen haben / Vnd sol vns derselbe Gerichtsherr/
oder dem die vortrechende person zustraffen / gebürt bet-
te / vmb solchs vngehorsams vnnnd hinlessigkeit willen/
darzu noch fünffvndzwenzig gülden zustraffe geben/vnd
vnnachlessig erlegen.

Do aber an etlichen orten vnserer Lande / nachtzech-
ung/ Hochzeiten/ tanzens/ odder der Spielleute halben/
engerer ordnung vnd mas albereit gemacht vnd gehal-
ten würden/die wollen wir damit auch nicht auffgehoben
haben.

Ernewerung voriger Gebot.

C ij Vnd

Vnd dieweil dann die zeite vnd leuffte des Erbfeinds
Christlichen Namens vnd geblüts/ des Türcken/ auch der
Verfolger vnd widerwertigen halben/ vnser waren Cha-
ristlichen Religion/ sorglichen vnnnd gefehrlichen stehen/
darumb allen Christen Buss vnnnd besserung zu thun von
nöten/ So wollen wir vnsero gnedigen lieben Herrn vnd
Vaters/ seliger vnd milder gedechtnus/ vnd vnser offene
Mandat/ welche der Gottsestung/ Zurrinckens/
Wuchers/ muthwilliger sehden/ vnnnd anderen Sünden/
vnd laster halben/ ausgangen/ hiemit widerumb ver-
newert/ vnd zu halten/ ernstlich geboten haben.

Vnnnd dieweil wir vnter vnserm wesentlichen Hoffge-
sinde/ ihren Weibern/ vnd Kindern/ auch vbermæssigen
pracht/ spüren/ Damit nu ihrent halben/ ob vnser Ord-
nung/ nicht weniger/ denn ob den andern Stenden ge-
halten/ So haben wir ihnen/ inn vnser Hoffordnung/
welche alle Quartal fürgelesen werden solle/ Mass vnd
Ordnung gegeben/ vnd gesetzt/ wes sich ein jeder sampt
seinem Weibe vnnnd Kindern/ nach gelegenheit seines
Ampts vnd Stands/ mit der Kleidung vnd andern hal-
ten solle/ Vnd vnserm Hoffmarschalch beuohlen/ bey vor-
meidung vnser ernstestn straff/ darob zu halten. Wie
dann auch die Reche/ inn vnsern Stedten/ do vnser Hoff-
lager sein wirdet/ vnd inn sonderheit gegen denen/ was
vnser Hoffgesinde ist/ vnd inn den Stedten wonet/ thun
sollen.

So hat sich auch vnser Vniuersitet zu Wittenberg/
den Studenten/ vnnnd gliedmassen der Vniuersitet/ hier-
innen Ordnung zugeben/ vnd darob zu halten/ vnterthei-
liglich erbotten.

In den

Inn den allen/ thut erwer jeder vnserer gantzliche/ vnd
ernste meinung. Zu verkund mit vnserm hie vnden auff
gedrucktem Secret besigelt/ Vnd geben/ Sonntags Vo
cem Iocunditatis / Anno Domini 1546.



Handwritten text, likely bleed-through from the reverse side of the page. The text is mirrored and appears to be a list or inventory of items, possibly related to a library or collection. The handwriting is in a historical script, possibly Latin or German.

Dieser Den Ihr seio alle Goms Lindern.



mm

